

中醫百日通

中國醫藥
入門叢書

女科

入

上海中西醫藥書局印行



叢書
總目

診脈入門	內經入門	女科入門	外科入門
辨舌入門	金匱入門	產科入門	傷科入門
藥性入門	傷寒入門	痘科入門	喉科入門
湯頭入門	溫病入門	幼科入門	眼科入門

〔附牙科〕

中國醫藥
叢書
女科入門

上海中西醫藥書局印行

中國醫藥
入門叢書

女科入門目錄

〔一〕傅青主女科證治

一·帶下

白帶

青帶

黃帶

黑帶

赤帶

二·血崩

血崩昏暗

年老血崩

少婦血崩

交感出血

鬱結血崩

閃跌血崩

血海大熱血崩

三·鬼胎

婦人鬼胎

室女鬼

四·調經

經水先期

經水後期

經水先後無定期

經水數月一行

年老經水復行

經水忽來忽斷時疼時止

經水未來腹先疼

行經後少腹疼痛

經前腹痛吐血

經水將來臍下先疼痛

經水過多

經前洩水

經前大便下血

年未老經水斷

五·種子

身瘦不孕

胸滿不思食不孕

下部冰冷不受孕

胸滿少食不孕

少腹急迫不孕

嫉妬不孕

肥胖不孕

骨蒸夜熱不孕

腰痠腹脹不孕

便澀腹脹足浮腫不孕

六·妊娠

惡阻

浮腫

少腹疼

口乾咽痛

吐瀉腹疼

子懸脇痛

跌損

小便下血病名胎漏

子鳴

腰腹疼痛渴汗燥狂

中惡

多怒墮胎

七·小產

行房小產

閃跌小產

大便乾結小產

畏寒腹疼小產

大怒小產

八·附雜證

中國醫藥
入門叢書
女科入門

〔一〕傅青主女科證治

一、帶下

△白帶，夫帶下俱是濕證。而以帶名者，因帶脈不能約束而有此病。故以名之。蓋帶脈通於任督。督病而帶脈始病。帶脈者所以約束胞胎之系也。帶脈無力則難以提繫。必然胞胎不固。故曰帶弱則胎易墜。帶傷則胎不牢。然而帶脈之傷，非獨跌閃挫氣已也。或行房而放縱，或飲酒而顛狂。雖無疼痛之苦，而有暗耗之害。則氣不能化經水，反變爲帶病矣。故帶病者，惟尼僧寡婦出嫁之女多有之。而在室之女則少也。况加以脾氣之虛，肝氣之鬱，濕氣之侵，熱氣之逼，安得不成帶下之病哉。故婦人有終年累

月流下白物。如涕如唾。不能禁止。甚則臭穢者。所謂白帶也。夫白帶乃濕盛而火衰。肝鬱而氣弱。則脾土受傷。濕土之氣下陷。是以脾精不守。不能化榮血以爲經水。反變成白滑之物。由陰門直下。欲自禁而不可得也。治法宜大補脾胃之氣。佐以舒肝之品。使風木不閉塞於地中。則地氣自升騰於天上。脾氣健而濕氣消。自無白帶之患矣。方用完帶湯。白朮一兩七炒

山藥一兩炒 人參二錢 白芍五錢酒炒 車前子三錢酒炒 蒼朮三錢製 甘草一錢

陳皮五分 黑芥穗五分 柴胡六分 水煎服 二劑輕。四劑止。六劑則

白帶全愈。此方脾胃肝三經同治之法。寓補於散之中。寄消於升之內。開提肝木之氣。則肝血不燥。何至下尅脾土。補益脾土之元。則脾氣不濕。何難分消水氣。至於補脾而兼以補胃者。由裏以及表也。脾非胃氣之強。則脾之弱不能旺。是補胃正所以補脾耳。

△青帶 婦人有帶下而色青者甚則綠如菘豆汁稠粘不斷其氣腥臭所謂青帶也。夫青帶乃肝經之濕熱肝屬木木色屬青帶下流如菘豆汁明明是肝木之病矣。但肝木最喜水潤濕亦水之積似濕非肝木之所惡何以意成青帶之證不知水為肝木之所喜而濕貫肝木之所惡以濕為土之氣故也。以所惡者合之所喜必有違者矣。肝之性既違則肝之氣必逆氣欲上升而濕欲下降兩相牽掣以停住於中焦之間而走於帶脈遂從陰氣而出其色青綠者正以其乘肝木之氣化也。逆輕者熱必輕而色青逆重者熱必重而色綠似乎治青易而治綠難然而均無所難也。解肝木之火利膀胱之水則青綠之帶病均去矣。方用加減逍遙散 茯苓五錢

白芍	<small>五錢</small>	甘草	<small>五錢</small>	柴胡	<small>一錢</small>	陳皮	<small>一錢</small>	茵陳	<small>三錢</small>	梔子	<small>三錢</small>
	<small>酒炒</small>		<small>生用</small>								<small>炒</small>

以水煎服二劑而色淡四劑而青綠之帶絕不必過劑矣。夫逍遙散之

立法也。乃解肝鬱之藥耳。何以治青帶。若斯其神與。蓋濕熱留於肝經。因肝氣之鬱也。鬱則必逆。逍遙散最能解肝之鬱。與逆鬱逆之氣既解。則濕熱難留。而又益之以茵陳之利濕。梔子之清熱。肝氣得清。而青綠之帶又何自來。此方之所以奇而效捷也。倘僅以利濕清熱治青帶。而置肝氣於不問。安有止帶之日哉。

△黃帶 婦人有帶下而色黃者。宛如黃茶濃汁。其氣腥穢。所謂黃帶是也。夫黃帶乃任脈之濕熱也。任脈本不能容水。濕氣安得而入。而化爲黃帶乎。不知帶脈橫生。通於任脈。任脈直上。走於唇齒。唇齒之間。原有不絕之泉。下貫於任脈。以化精。使任脈無熱氣之繞。則口中之津液。盡化爲精。以入於腎矣。惟有熱邪存於下焦之間。則津液不能化精。而反化濕也。夫濕者土之氣。實水之侵。熱者火之氣。實木之生。水色本黑。火色本紅。今濕

與熱合欲化紅而不能欲返黑而不得煎熬成汁因變為黃色矣此乃不從水火之化而從濕化也所以世之人有以黃帶為脾之濕熱單去治脾而不能痊者是不知真水真火合成丹邪元邪繞於任脈胞胎之間而化此黃色也單治脾何能痊乎法宜補任脈之虛而清腎火之炎則庶幾矣

方用易黃湯

山藥

炒一兩

芡實

炒一兩

黃柏

一錢鹽水炒

車前子

一錢酒炒

白果

十枚碎

水煎連服四劑無不立愈此不獨治黃帶方也凡有帶病者均可治之而治帶之黃者功更奇也蓋山藥芡實專補任脈之虛又能利水如白果引入任脈之中更為便捷所以奏功之速也至於用黃柏清腎中之火也腎與任脈相通以相濟解腎中之火即解任脈之熱矣

△黑帶

婦人有帶下而色黑者甚則如黑豆汁其氣亦腥所謂黑帶也夫黑帶者乃火熱之極也或疑火色本紅何以成黑謂為下寒之極或有

之殊不知火極似水。乃假象也。其症必腹中疼痛。小便時如刀刺。陰門必發腫。面色必發紅。日久必黃瘦。飲食必兼人口中必熱渴。飲以涼水。必覺寬快。此胃火太旺。與命門膀胱三焦之火合而熬煎。所以熬乾而變為炭色。斷是火熱之極之變。而非少有寒氣也。此等之症。不至發狂者。全賴腎水與肺金無病。其生生不息之氣。潤心濟胃以救之耳。所以但成黑帶之症。是火結於下而不炎於上也。治法惟以洩火為主。火熱退而濕自除矣。

方用利火湯 大黃三錢 白朮五錢 土炒 茯苓三錢 車前子三錢 酒炒 黃連三錢

梔子三錢 炒 知母二錢 王不留行三錢 石膏五錢 煨 劉寄奴三錢 水煎

服一劑小便疼止而通利。二劑黑帶變為白。三劑白少減。再三劑全愈矣。或謂此方過於迅利。殊不知火盛之時。用不得依違之法。譬如救火之焚。而少為遲緩。則火勢延燃。不盡不止。今用黃連石膏梔子知母一

派涼藥之品入於大黃之中。則迅速掃除。而又得王不留行與劉寄奴之利濕甚急。則濕與熱俱無停住之機。佐白朮以輔土。茯苓以滲濕。車前以利水。則火退水進。便成既濟之卦矣。

△赤帶 婦人有帶下而色紅。似血非血。淋瀝不斷。所謂赤帶也。夫赤帶亦濕病。濕是土之氣。宜見黃白之色。今不見黃白而見赤者。火熱故也。火色赤。故帶下亦赤耳。惟是帶脈繫於腰臍之間。近乎至陰之地。不宜有火。而今見火證。豈其路通於命門。而命門之火出而燒之耶。不知帶脈通於腎。而腎氣通於肝。婦人憂思傷脾。又加鬱怒傷肝。於是肝經之鬱火內熾。下尅脾土。脾土不能運化。致濕熱之氣蘊於帶脈之間。而肝不藏血。亦滲於帶脈之內。皆由脾氣受傷。運化無力。濕熱之氣隨氣下陷。同血俱下。所以似血非血之形象。現於其色也。其實血與濕不能兩分。世人以赤帶屬

之心大誤矣。治法須清肝火而扶脾氣。則庶幾可愈。方用清肝止淋湯。

白芍 一兩 醋炒 當歸 一兩 酒炒 生地 五錢 酒炒 阿膠 二錢 白 麵炒 粉丹皮 三錢 黃柏 三錢

牛膝 二錢 香附 一錢 酒炒 紅棗 十箇 小黑豆 一兩 水煎服 一劑少止。

二劑又少止。四劑全愈。十劑不再發。此方但主補肝之血。全不利脾之濕者。以赤帶之為病。火重而濕。也。夫火之所以旺者。由於血之衰。補血即足以制火。且水與血合而成赤帶之證。竟不能辨其似濕非濕。則濕亦盡化而為血矣。所以治血則濕亦除。又何必利濕之多事哉。此方之妙。妙在純於治血。少加清火之味。故奏功獨奇。倘一利其濕。反引火下行。轉難遽效矣。或問曰。先生前言助其脾土之氣。今但補其肝木之血。何也。不知用芍藥以平肝。則肝氣得舒。肝氣舒。自不尅土。脾不受尅。則脾土自旺。是平肝正所以扶脾耳。又何必加人參白朮之品。以致累

事哉。

二·血崩

血崩昏暗。婦人有一時血崩兩目黑暗昏暈在地。不省人事者。人莫不謂火盛動血也。然此火非實火。乃虛火耳。世人一見血崩。往往用止澀之品。雖亦能取效於一時。但不用補陰之藥。則虛火易於沖擊。恐隨止隨發。以致經年累月。不能全愈者有之。是止崩之藥。不可獨用。必須於補陰之中。行止崩之法。方用固本止崩湯。

大熟地一兩九蒸 白朮一兩七炒焦 黃耆三錢生用
 當歸五錢酒洗 黑薑二錢 人參三錢 水煎服。一劑崩止。十劑不再發。倘畏藥味之重而減半。則力薄而不能止。方妙在全不去止血。而惟補血。又不止補血。而更補氣。非惟補氣。而更補火。蓋血崩而至於黑暗昏暈。則血已盡去。僅存一線之氣。以為護持。若不急補其氣。以生血。而先補

其血以遺氣則有形之血。恐不能遽生。而無形之氣。必且至盡散。此所以不先補血而先補氣也。然單補氣則血又不易生。單補血而不補火。則血又必凝滯。而不能隨氣而速生。况黑薑引血歸經。是補中又有收斂之妙。所以同補氣補血之藥並用之耳。

年老血崩 婦人有年老血崩者。其症亦與前血崩昏暗者同。人以為老婦之虛耳。誰知是不慎房事之故乎。夫婦人至五十歲之外。天癸匱乏。原宜閉關守寨。不宜出陣戰爭。苟或適興。不過草草了事。尚不至腎火大動。倘興酣浪戰。亦如少年之好合。鮮不血室大開。崩決而墜矣。方用加減當歸補血湯。當歸一兩 黃耆一兩 三七根末三錢 桑葉十四片 水煎服。酒洗。二劑而血少止。四劑不再發。然必須斷慾。始除根。若再犯色慾。未有不重病者也。夫補血湯乃氣血兩補之神劑。三七根乃止血之聖藥。加以

桑葉者所以滋腎之陰。又有收斂之妙耳。但老婦陰精既虧。用此方以止其暫時之漏。實有奇功。而不可責其永遠之績者。以補精之味尙少也。服此四劑後。再增入 白朮五錢 熟地一兩 山藥四錢 麥冬三錢 北五味一錢 服百劑。則崩漏之根可盡除矣。

少婦血崩 有少婦甫娠三月。即便血崩而胎亦隨墮。人以為挫閃受傷而致。誰知是行房不慎之過哉。夫少婦行房亦事之常耳。何便血崩。蓋因元氣衰弱。事難兩顧。一經房事洩精。則妊娠無所依養。遂致崩而且墮。凡婦人之氣衰。即不耐久戰。若貪歡久戰。則必洩精太甚。氣每不能攝夫血矣。况氣弱而又娠。再加以久戰。內外之氣皆動。而血又何能固哉。其崩而墮也。亦無怪其然也。治法自當以補氣為主。而少佐以補血之品。斯為得之。方用固氣湯。 人參一兩 白朮五錢 大熟地五錢 當歸三錢 白茯苓九蒸

苓二錢

甘草一錢

杜仲三錢
炒黑

山萸肉二錢
蒸

遠志一錢
去心

五味子十粒
炒

水煎服 一劑而血止。連服十劑全愈。此方固氣而兼補血。已去之血可以速生。將脫之血可以盡攝。凡氣虛而崩漏者。此方最可通治。非僅治小產之崩。其最妙者。不去止血而止血之味含於補氣之中也。

交感血出 婦人有一交合。則流血不止者。雖不至於血崩之甚。而終年累月不得愈。未免血氣兩傷。久則恐有血枯經閉之憂。此等之病。成於經水正來之時。貪歡交合。精冲血管也。夫精冲血管。不過一時之傷。精出宜愈。何以久而流紅。不知血管最嬌嫩。斷不可以精傷。凡婦人受孕。必於血管已淨之時。方保無虞。倘經水正旺。彼欲湧出而精射之。則欲出之血。反退而縮入。既不能受精而成胎。勢必至集精而化血。交感之際。淫氣觸動。其舊日之精。則兩相感召。舊精欲出。而血亦隨之而出。治法須通其胞胎。

之氣。引舊日之集精外出而益之以補氣補精之藥。則血管之傷可以補

完矣。方用引精止血湯。

人參五錢

白朮一兩
土炒

茯苓三錢
去皮

熟地一兩
九蒸

芥穗三錢

黑薑一錢

黃柏五分

山萸肉五錢
蒸

車前子五錢
酒炒

水煎連

服四劑愈。十劑不再發。此方用參朮以補氣。用地萸以補精。精氣既旺。則血管流通。加入茯苓車前以利水與竅。水利則血管亦利。又加黃柏為引。直入血管之中。而引夙精出於血管之外。芥穗引敗血出於血管之內。黑薑以止血管之口。一方之中。實有調停曲折之妙。故能祛舊病而除陳疴。然必須慎房幃三月。破者始不至重傷。而補者始不至重損。否則不過取目前之效耳。其慎之哉。宜寡慾。

鬱結血崩 婦人有懷抱甚鬱。口乾舌渴。嘔吐吞酸。而血下崩者。人皆以火治之。時而效。時而不效。其故何也。是不識為肝氣之鬱結也。夫肝主藏

血氣結而血亦結。何以反至崩漏。蓋肝之性急。氣結則其急更甚。更急則血不能藏。故崩不免也。治法宜以開鬱為主。若徒開其鬱而不知平肝。則肝氣大開。肝火更熾。而血亦不能止矣。方用平肝開鬱止血湯。白芍一兩

醋炒 白朮一兩 當歸一兩 丹皮三錢 生地三錢 甘草一錢 三七根三錢

研末 黑芥穗二錢 柴胡一錢 水煎服 一劑嘔吐止。二劑乾渴除。四

劑血崩愈。方中妙在白芍之平肝。柴胡之開鬱。白朮利腰臍。則血無積住之虞。荆芥通經絡。則血有歸還之樂。丹皮又清骨髓之熱。生地又清臟腑之炎。當歸三七。於補血之中。以行止血之法。自然鬱結散而血崩止矣。

閃跌血崩 婦人有升高墜落。或閃挫受傷。以致惡血下流。有如血崩之狀者。若以崩治。非徒無益。而又害之也。蓋此證之狀。必手按之而疼痛。久

之則面色痿黃。形容枯槁。乃是瘀血作祟。並非血崩可比。倘不知解瘀而
 用補澀。則瘀血內攻。疼無止時。反致新血不得生。舊血無由化。死不能悟。
 豈不可傷哉。治法須行血以去瘀。活血以止瘀。則血自止而愈矣。方用逐
 瘀止血湯。生地一兩酒炒。大黃三錢。赤芍三錢。丹皮一錢。枳殼五錢炒。當
 歸尾五錢。龜板二錢醋炙。桃仁十粒炒研。水煎服。一劑疼輕。二劑疼止。三
 劑血亦全止。不必再服矣。此方之妙。妙於活血之中。佐以下滯之品。故
 逐瘀如掃。而止血如神。或疑跌閃升墜。是由外而傷。內雖不比內傷之
 重。而既已血崩。則內之所傷。亦不為輕。何以只治其瘀。而不顧氣也。殊
 不知升墜閃跌。非由內傷。以及外傷者可比。蓋本實不撥。去其標病可
 耳。故曰急則治其標。

血海太熱血崩 婦人有每行人道。經水即來。一如血崩。人以爲胞胎有

傷觸之以動其血也。誰知是子宮血海因太熱而不固乎。夫子宮即在胞胎之下。而血海又在胞胎之外。血海者衝脈也。衝脈太寒而血即虧。衝脈太熱而血即沸。血崩之為病。正衝脈之太熱也。然既由衝脈之熱。則應常崩而無有止時。何以行人道而始來。果與肝木無恙耶。夫脾健則能攝血。肝平則能藏血。人未入房之時。君相二火寂然不動。雖衝脈獨熱。而血亦不至外馳。及有人道之感。則子宮大開。君相火動。以熱招熱。同氣相求。翕然齊動。以鼓其精房。血海泛濫。有不能止遏之勢。肝欲藏之而不能。脾欲攝之而不得。故經水隨交感而至。若有聲應之捷。是惟火之為病也。治法必須滋陰降火。以清血海。而和子宮。則終身之病。可半載而除矣。然必絕慾三月而後可。方用清海丸。

- | | | | | | | | | | | | |
|---|----|-----|----|----|----|----|----|----|----|-----|----|
| 肉 | 十兩 | 北五味 | 二兩 | 丹皮 | 十兩 | 白朮 | 一斤 | 白芍 | 一斤 | 地骨皮 | 十兩 |
| | | 炒 | | | | 土炒 | | 酒炒 | | | |
| | | | | | | | 九蒸 | | | | |
| | | | | | | | 山黃 | 十四 | 山藥 | 十兩 | 麥冬 |
| | | | | | | | 蒸 | | 炒 | | |

龍骨_{二兩} 元麥一斤 乾桑葉_{一斤} 沙參_{十兩} 石斛_{十兩}

右十四味各爲細末。合一處煉蜜丸。桐子大。早晚每服五錢。白滾水送下。半載全愈。此方補陰而無浮動之慮。縮血而無寒涼之苦。日計不足。月計有餘。潛移默奪。子宮清涼而血海自固。倘不揣其本而齊其末。徒以髮灰白。礬黃連炭五倍子等藥末。以外治其幽隱之處。尤恐愈澀而愈流。必至於敗亡也。可不慎歟。

三。鬼胎

婦人鬼胎 婦人有腹似懷妊。終年不產。甚至二三年不生者。此鬼胎也。其人必面色黃瘦。肌膚消削。腹大如斗。厥所由來。必素與鬼交。或入神廟而興雲雨之思。或遊山林而起交感之念。皆能召祟成胎。幸其人不至浮蕩。見祟而有驚惶。遇合而生愧惡。則鬼祟不能久戀。一交媾卽遠去。然淫

妖之氣已結於腹。遂成鬼胎。其先尙未覺。迨後漸漸腹大。經水不行。內外相包。一如懷胎之狀。有似血臙之形。其實是鬼胎而非臙也。治法必須以逐穢爲主。然人至懷胎數年不產。卽非鬼胎。亦必氣血衰微。况此非眞妊。則邪氣必旺。正不敵邪。其虛弱之狀。必有可掬。烏可純用迅利之藥。以祛蕩乎。必于補中逐之爲的也。方用蕩鬼湯。

人參

當歸

大黃

各一兩

川牛膝

雷丸

紅花

丹皮

各三錢

枳壳

厚朴

各三錢

小桃仁

三十粒

水煎服。一劑腹必大鳴。可瀉惡物半桶。再服一劑。又瀉惡物而愈矣。斷不可復用三劑也。蓋雖補中用逐。未免迅利。多用恐傷損元氣。此方用雷丸以祛穢。又得大黃之掃除。且佐以厚朴桃仁紅花等味。皆善行善攻之品。何邪之尙能留腹中而不盡逐下也哉。尤妙在用參歸以補氣血。則邪去而正不蕩。若單用雷丸大黃以迅下之。必有氣脫血崩之

患矣。倘或知是鬼胎。如室女寡婦輩。邪氣雖盛。而真氣未滿。可用岐天師新傳紅花霹靂散。紅花半斤。大黃五兩。雷丸三兩。水煎服。亦能下胎。然未免太於迅利。過傷氣血。不若蕩鬼湯之有益無損爲愈也。在人臨證時斟酌而善用之耳。

室女鬼胎 女子有在室未嫁。月經忽斷。腹大如妊。面色乍赤乍白。六脈乍大乍小。人以爲血結經閉也。誰知是靈鬼憑身乎。夫人之身正。則諸邪不敢侵其身。不正。則諸邪自來犯。或精神恍惚。而夢裏求親。或眼目昏花。而對面相狎。或假托親屬。而暗處貪歡。或明言仙人而靜地取樂。其始則驚詫爲奇遇。而不肯告人。其後則羞赧爲淫褻。而不敢告人。日久年深。腹大如斗。有如懷妊之狀。一身之精血。僅足以供腹中之邪。則邪日旺而正日衰。勢必至經閉而血枯。後雖欲導其經。而邪據其腹。則經亦難通。欲生

其血而邪食其精則血實難長醫以為胎而實非真胎。又以為瘕而亦非瘕病。往往因循等待。非因羞憤而亡其身。即成癆瘵而終不起。至死不悟。不重可悲哉。治法似宜補正以祛邪。然邪不先去。補正亦無益也。必須先祛邪而後補正。斯為得之。方用蕩邪散 雷丸六錢 桃仁六十枚 當歸一兩

丹皮一兩 甘草四錢 水煎服。一劑必下惡物半桶。再服調正湯。治

之。白朮五錢 蒼朮五錢 茯苓三錢 陳皮 貝母各一錢 薏米五錢 水

煎連服四劑。則脾胃之氣轉。而經水漸行矣。前方蕩邪。後方補正。實有次第。或疑身懷鬼胎。必大傷其血。所以經閉。今既墜其鬼胎矣。自當大補其血。乃不補血而反補胃氣。何故。蓋鬼胎中人。其正氣大虛。可知。氣虛則血必不能驟生。欲補血必先補氣。是補氣而血自然生也。用二朮以補胃陽。陽氣旺則陰氣難犯。尤善後之妙法也。倘重用補陰之品。則

以陰招陰吾恐鬼胎雖下而鬼氣未必不再侵。故必以補陽爲上策而血自隨氣而生也。

四·調經

經水先期 婦人有先期經來者其經甚多人以爲血熱之極也。誰知是腎中水火太旺之故。夫火太旺則血熱。水太旺則血多。此有餘之病。非不足之證也。似宜不藥有喜。但過於有餘則子宮太熱亦難受孕更恐有燥乾男精之慮。過者損之。謂非既濟之道乎。然而火不可任其有餘。而水斷不可使之不足。治之之法。但少清其熱。不必洩其水也。方用清經散。

丹皮 三錢

地骨皮 五錢

白芍 三錢

酒炒 大熟地 二錢

青蒿 二錢

白茯苓

一錢

黃柏 五分鹽水浸炒

水煎服。

一二劑而火自平。此方雖是清火之品。然

仍是滋水之味。火洩而水不與俱洩。損而益也。

又有先期經來只一二點者。人以爲血熱之極也。誰知腎中火旺而陰水虧乎。夫同是先期之來。何以分虛實之異。蓋婦人之經最難調。苟不分別細微。用藥鮮克有效。先期者火氣之冲。多寡者水氣之驗。故先期而來多者。火熱而水有餘也。先期而來少者。火熱而水不足也。倘一見先期之來。俱以爲有餘之熱。但洩火而不補水。或水火兩洩之。有不足增其病者乎。治之法不必洩火。只專補水。水既足而火自消矣。亦既濟之道也。方用兩地湯。大生地一兩 元參一兩 白芍藥五錢 麥冬肉五錢 地骨皮 阿膠各二錢 水煎服。四劑而經調矣。此方之用地骨皮生地。能清骨中之熱。骨中之熱。由於腎經之熱。清其骨髓。則腎氣自清。而又不損傷胃氣。此治之巧也。况所用諸藥。又純是補水之味。水盛而火自平理也。此條與上條參觀。斷無誤治先期之病矣。

經水後期 婦人有經水後期而來多者。人以爲血虛之病也。誰知非血
 虛乎。蓋後期之多少。實有不同。不可執一而論。蓋後期而來少。血寒而不
 足。後期而來多。血寒而有餘。夫經本於腎。而其流五臟六腑之血。皆歸之。
 故經來而諸經之血。盡來附益。以經水行而門啓。不遑迅闔。諸經之血。乘
 其隙而皆出也。但既出血矣。則成不足。治法宜於補中溫散之。不得曰後
 期者俱不足也。方用溫經攝血湯。

大熟地一兩九蒸 白芍一兩酒炒 川芎五錢酒洗
 白朮五錢土炒 五味子三分 柴胡五分 肉桂五分去粗皮研 續斷一錢 水煎服。

三劑而經調矣。此方大補肝腎脾之精與血。加肉桂以祛其寒。柴胡以
 解其鬱。是補中有散。而散不耗氣。補中有洩。而洩不損陰。所以補之有
 益。而溫之收功。此調經之妙藥。而攝血之仙丹也。凡經來後期者。俱可
 用。倘元氣不足。加入人參一二錢亦可。

經水先後無定期。婦人有經水斷續。或前或後。無定期。人以爲氣血之虛也。誰知是肝氣之鬱結乎。夫經水出諸腎。而肝爲腎之子。肝鬱則腎亦鬱矣。腎鬱而氣必不宣。前後之或斷或續。止腎之或通或閉耳。或曰。肝氣鬱而腎氣不應。未必至於如此。殊不知子母關切。子病而母必有顧復之情。肝鬱而腎不無繾綣之誼。肝氣之或開或閉。即腎氣之或去或留。相因而致。又何疑焉。治法宜舒肝之鬱。即開腎之鬱也。肝腎之鬱既開。而經水自有一定之期矣。方用定經湯。

兔絲子一兩 酒炒 白芍一兩 酒炒 當歸一兩 酒洗 大熟地五錢 九蒸 白茯苓三錢 山藥五錢 炒 荆芥穗二錢 炒黑 柴胡五分 水煎服。

二劑而經水淨。四劑而經期定矣。此方舒肝腎之氣。非通經之藥也。補肝腎之精。非利水之品也。肝腎之氣舒而精通。肝腎之精旺而水利。不治之治。正妙於治也。

經水數月一行。婦人有數月一行經者。每以爲常。亦無或先或後之異。亦無或多或少之殊。人莫不以爲異。而不知非異也。蓋無病之人。血氣兩不虧損耳。夫氣血既不虧損。何以數月而一行經也。婦人之中。亦有天生仙骨者。經水必一季一行。蓋以季爲數。而不以月爲盈虛也。真氣內藏。則坎中之真陽不損。倘加以鍊形之法。一年之內。便易飛騰。無如世人不知。見經水不應月來。誤認爲病。妄用藥餌。本無病而治之。成病。是治反不如其不治也。山間異人之教。特爲闡揚。使世人見此等行經。不必妄行治療。萬勿疑爲氣血之不足。而輕一試也。雖然天生仙骨之婦人。世固不少。而嗜慾損天之人。亦復甚多。又不可不立一療救之方。名助仙丹。白茯苓

陳皮

各五錢

白朮

三錢 土炒

白芍

三錢 酒炒

兔絲子

二錢 酒炒

山藥

三錢 炒

杜仲

一錢 炒黑

甘草

一錢

河水煎服

四劑而仍如其舊。不可再服也。此方平補之中。

實有妙理健脾益腎而不滯散鬱清痰而不洩不損天然之氣血便是調經之大法何得用他藥以冀通經哉

年老經水復行 婦人有年五十外或六七十歲忽然行經者或下紫血塊或如紅血淋人或謂老婦行經是還少之象誰知是血崩之漸乎夫婦人至七七之外天癸已竭又不服濟陰補陽之藥如何能精滿化經一如少婦然經不宜行而行者乃肝不藏脾不統之故也非精過洩而動命門之火即氣鬱甚而發龍雷之炎二火交發而血乃奔矣有似行經而實非經也此等之證非大補肝脾之氣與血而血安能驟止方用安老湯

人參 一兩 黃耆 一兩 大熟地 一兩 白朮 五錢 當歸 五錢 山黃 五錢

阿膠 一錢 蛤粉炒 黑芥穗 甘草 各一錢 香附 五分 木耳炭 一錢 水煎服

一劑減二劑尤減四劑全減十劑愈此方補益肝脾之氣氣足自能生

血而攝血尤妙。大補腎水。水足而肝氣自舒。肝舒而脾自得養。肝藏之而脾統之。又安有洩漏者。又何慮其血崩哉。

經水忽來忽斷時疼時止。婦人有經水忽來忽斷時疼時止。寒熱往來者。人以爲血之凝也。誰知是肝氣不舒乎。夫肝屬木而藏血。最惡風寒。婦人當行經之際。腠理大開。適逢風之吹。寒之襲。則肝氣爲之閉塞。而經水之道路亦隨而俱閉。由是腠理經絡各皆不宣。而寒熱之作。由是而起。其氣行於陽分。則生熱。其氣行於陰分。則生寒。然此猶感之輕者也。倘外感之風寒更甚。則內應之熱氣益深。往往有熱入血室而變爲如狂之證。一似遇鬼之狀者。若但往來寒熱。是風寒未甚。而熱未深耳。治法宜補肝中之血。通其鬱而散其風。則病隨手而效。所謂治風先治血。血和風自滅。此其一也。方用加減四物湯。

大熟地

一兩九蒸

白芍

五錢酒炒

當歸

五錢酒洗

白朮

二錢

土炒 川芎三錢 粉丹皮三錢 元胡一錢 甘草 柴胡各一錢 水煎服。

此方用四物以滋脾胃之陰血用柴胡白芍丹皮以宣肝經之風鬱用甘草白朮元胡以利腰膺而和腹疼入於表裏之間通乎經絡之內用之得宜自奏功如響也。

經水未來腹先疼 婦人有經前腹疼數日而後經水行者其經來多是紫黑塊人以爲寒極而然也誰知是熱極而火不化乎夫肝屬木其中有火舒則通暢鬱則不揚經欲行而肝不應則抑拂其氣而疼生然經滿則不能內藏而肝中之鬱火焚燒內逼經出則其火亦因之而怒洩其紫黑者水火兩戰之象也其成塊者火煎成形之狀也經失其爲經者正鬱火內奪其權耳治法似宜大洩肝中之火然洩肝之火而不解肝之鬱則熱之標可去而熱之本未除也其何能益方用宣鬱通經湯 白芍五錢 當

歸五錢
酒洗

丹皮五錢

山梔子三錢
炒

白芥子二錢
炒研

柴胡一錢

香附一錢
酒炒

川鬱金一錢
醋炒

黃芩一錢
酒炒

生甘草一錢

水煎連服四劑。下月斷不腹先

速。疼而後行經矣。此方補肝血而解肝鬱。利肝氣而降肝火。所以奏功神

行經後少腹疼痛。婦人有少腹疼於行經之後者。人以爲氣血之虛也。

誰知是腎氣之涸乎。夫經水者。乃天一之真水也。滿則溢而虛則閉。亦其

常耳。何以虛能作疼哉。蓋腎水一虛。則水不能生木。而肝木必尅脾土。木

土相爭。則氣必逆。故爾作疼。治法必須以舒肝氣爲主。而益之以補腎之

味。則水足而肝氣益安。肝氣安而逆氣自順。又何疼痛之有哉。方用調肝

湯。山藥五錢
炒

阿膠三錢
白麵炒

當歸三錢
酒洗

白芍三錢
酒炒

山萸肉三錢
蒸熟

巴戟

一錢鹽
水浸

甘草一錢

水煎服。

此方平調肝氣。既能轉逆氣。又善止鬱

疼經後之症。以此方調理最佳。不特治經後腹疼之症也。

經前腹痛吐血。婦人有經未行之前一二日。忽然腹痛而吐血。人以為火熱之極也。誰知是肝氣之逆乎。夫肝之性最急。宜順而不宜逆。順則氣安。逆則氣動。血隨氣為行止。氣安則血安。氣動則血動。亦無怪其然也。或謂經逆在腎不在肝。何以隨血妄行。竟至從口上出也。是肝不藏血之故乎。抑腎不納氣而然乎。殊不知少陰之火。急如奔馬。得肝火直冲而上。其勢最捷。反經而為血。亦至便也。正不必肝不藏血。始成吐血之症。但此等吐血。與各經之吐血有不同者。蓋各經之吐血。由內傷而成。經逆而吐血。乃內溢而激之使然也。其症有絕異。而其氣逆則一也。治法似宜平肝以順氣。而不必益精以補腎矣。雖然。經逆而吐血。雖不大損夫血。而反覆顛倒。未免大傷腎氣。必須於補腎之中。用順氣之法。始為得當。方用順經湯。

當歸 五錢 酒洗

大熟地 五錢 九蒸

白芍 二錢 酒炒

丹皮 五錢

白茯苓

沙參

黑芥

穗 各三錢

水煎服

一劑而吐血止。二劑而經順。十劑不再發。此方於

補腎調經之中。而用引血歸經之品。是和血之法。實寓順氣之法也。肝

不逆而腎氣自順。腎氣既順。又何經逆之有哉。

經水將來。臍下先疼痛。婦人有經水將來。三五日前而臍下作疼。狀如

刀刺者。或寒熱交作。所下如黑豆汁。人莫不以爲血熱之極。誰知是下焦

寒濕相爭之故乎。夫寒濕乃邪氣也。婦人有衝任之脈。居於下焦。衝爲血

海。任主胎胞。爲血室。均喜正氣相通。最惡邪氣相犯。經水由二經而外出。

而寒濕滿二經。而內亂兩相爭。而作疼痛。邪愈盛而正氣日衰。寒氣生濁。

而下如豆汁之黑者。見北方寒水之象也。治法利其濕而溫其寒。使衝任

無邪氣之亂。臍下自無疼痛之疾矣。方用溫臍化濕湯。白朮 一兩 土炒 白

茯苓三錢 山藥五錢 巴戟肉五錢 扁豆三錢 白果十枚 建蓮子

三十枚 水煎服。然必須經未來前十日服之。四劑而邪氣去。經水調。

兼可種子。此方用白朮以利腰膺之氣。用巴戟白果以通任脈。扁豆山

藥蓮子以衛衝脈。所以寒濕掃除而經水自調。可受妊矣。倘疑腹疼為

熱疾。妄用寒涼。則衝任虛冷。血海變為冰海。血室反成冰室。無論難於

生育。而疼痛之止。又安有日哉。

經水過多 婦人有經水過多。行後復行。面色痿黃。身體倦怠。而困乏愈

甚者。人以為血熱有餘之故。誰知是血虛而不歸經乎。夫血旺始經多。血

虛當經縮。今日血虛而反經多。是何言與。殊不知血歸於經。雖旺而經亦

不多。血不歸經。雖衰而經亦不少。世之人見經水過多。謂是血之旺也。此

治之所以多錯耳。倘經多果是血旺。自是健壯之體。須當一行即止。精力

如常。何至一行後而再行。而困乏無力耶。惟經多是血之虛。故再行而不勝其困乏。血損精散。骨中髓空。所以不能色華於面也。治法宜大補血而引之歸經。又安有行後復行之病哉。方用加減四物湯。大熟地一兩九蒸

白芍三錢酒炒

當歸五錢酒洗

川芎二錢酒洗

白朮五錢土炒

黑芥穗三錢

山黃三錢蒸

續斷

甘草各一錢

水煎服

四劑而血歸經矣。十劑之後。加人參二錢。

再服十劑。下月行經。適可而止矣。夫四物湯乃補血之神品。加白朮荆芥。補中有利。加山黃續斷。止中有行。加甘草以調和諸品。使之各得其宜。所以血足而歸經。歸經而血自靜矣。

經前洩水。婦人有經未來之前。洩水三日。而後行經者。人以爲血旺之故。誰知是脾氣之虛乎。夫脾統血。脾虛則不能攝血矣。且脾屬濕土。脾虛則土不實。土不實而濕更甚。所以經水將動。而脾先不固。脾經所統之血。

欲流注於血海。而濕氣乘之。所以先洩水而後行經也。調經之法。不在先治其水。而在先治其血。抑不在先治其血。而在先補其氣。蓋氣旺而血自能生。抑氣旺而濕自能除。且氣旺而經自能調矣。方用健固湯。人參五錢

白茯苓三錢 白朮一兩 巴戟五錢 薏苡仁三錢 水煎連服十劑。經

前不洩水矣。此方補脾氣以固脾血。則血攝於氣之中。脾氣日盛。自能運化其濕。濕既化為烏有。自然經水調和。又何至經前洩水哉。

經前大便下血。婦人有行經之前一日。大便先出血者。人以爲血崩之證。誰知是經流於大腸乎。夫大腸與行經之路。各有分別。何以能入乎。其中不知胞胎之系。上通心而下通腎。心腎不交。則胞胎之血兩無所歸。而心腎二經之氣。不來照攝。聽其自便。所以血不走小腸而走大腸也。治法若單止大腸之血。則愈止而愈多。若擊動三焦之氣。則更拂亂而不可止。

蓋經水之妄行。原因心腎之不交。今不使水火之既濟。而徒治其胞胎。則胞胎之氣無所歸。而血安有歸經之日。故必大補其心與腎。使心腎之氣交。而胞胎之氣自不散。則大腸之血自不妄行。而經自順矣。方用順經兩

安湯。

當歸

五錢 酒洗

白芍

五錢 酒炒

大熟地

九錢 九蒸

山萸肉

二錢 蒸

人參

三錢

白

朮

五錢 土炒

麥冬

五錢 去心

黑芥穗

一錢

巴戟肉

一錢 鹽 水浸

升麻

四分

水煎服。

二劑大腸血止。而經從前陰出矣。三劑經止而兼可受妊矣。此方乃大補心肝腎三經之藥。全不去顧胞胎。而胞胎有所歸者。以心腎之氣交也。蓋心腎虛則其氣兩分。心腎足則其氣兩合。心與腎不離。而胞胎之氣聽命於二經之攝。又安有妄動之形哉。然則心腎不交。補心腎可也。又何兼補夫肝木耶。不知肝乃腎之子。心之母也。補肝則肝氣往來於心腎之間。自然上引心而下入於腎。下引腎而上入於心。不啻介紹之

助也。此使心腎相交之一大法門。不特調經而然也。學者其深思諸。年未老經水斷。經云。女子七七而天癸絕。有年未至七七而經水先斷者。人以爲血枯經閉也。誰知是心肝脾之氣鬱乎。使其血枯。安能久延於世上。醫見其經水不行。妄謂之血枯耳。其實非血之枯。乃經之閉也。且經原非血也。乃天一之水。出自腎中。是至陰之精。而有至陽之氣。故其色赤紅。似血而實非血。所以謂之天癸。世人以經爲血。此千古之誤。牢不可破。倘果是血。何不名之曰血水。而曰經水乎。古昔聖賢。創呼經水之名者。原以水出於腎。乃癸水之化。故以名之。無如世人沿襲而不深思其旨。皆以血視之。然則經水早斷。似乎腎水衰涸。吾以爲心肝脾氣之鬱者。蓋以腎水之生。原不由於心肝脾。而腎水之化。實有關於心肝脾。使水位之下。無土氣以承之。則水濫滅火。腎氣不能化。火位之下。無水氣以承之。則火炎

鑱金腎氣無所生。木位之下。無金氣以承之。則木妄破土。腎氣無以成。倘
 心肝脾有一經之鬱。則其氣不能入於腎中。腎之氣即鬱而不宣矣。况心
 肝脾俱鬱。即腎氣真足而無虧。尚有茹而難吐之勢。矧腎氣本虛。又何能
 盈滿而化經水外洩耶。經曰。亢則害。此之謂也。此經之所以閉塞。有似乎
 血枯而實非血枯耳。治法必須散心肝脾之鬱。而大補其腎水。仍大補其
 心肝腎之氣。則精溢而經水自通矣。方用益經湯。

一兩 七炒	山藥	五錢	當歸	五錢	白芍	三錢	生棗仁	三錢	丹皮	二錢	沙參
			酒洗		酒炒		搗碎				
三錢	柴胡	一錢	杜仲	一錢	人參	二錢	水煎	連服	八劑	而經通矣	服三
			炒黑								

十劑而經不再閉。兼可受孕。此方心肝脾腎四經同治藥也。妙在補以
 通之。散以開之。倘徒補則鬱不開而生火。徒散則氣益衰而耗精。設或
 用攻堅之劑。辛熱之品。則非徒無益。而又害之矣。

五。種子

身瘦不孕。婦人有瘦怯身軀。久不孕育。一交男子。卽臥病終朝。人以爲氣虛之故。誰知是血虛之故乎。或謂血藏於肝。精涵於腎。交感乃洩腎之精。與血虛何與。殊不知肝氣不開。則精不能洩。腎精旣洩。則肝氣亦不能舒。以腎爲肝之母。母旣洩精。不能分潤以養其子。則木燥乏水而火且暗動。以燦精。則腎愈虛矣。况瘦人多火。而又洩其水。則水益少而火益熾。水雖制火。而腎精空乏。無力以濟。成火在水上之卦。所以倦怠而臥也。此等之婦。偏易動火。然此火因貪慾而出於肝木之中。又是虛燥之火。絕非眞火也。且不交合則已。交合又偏易走洩。此陰虛火旺。不能受孕。卽偶爾受孕。必致逼乾男子之精。隨種而隨消者有之。治法又須大補腎水而平肝木。水旺則血旺。血旺則火消。便成水在火上之卦。方用養精種玉湯。

大熟地

一兩
九蒸

當歸

五錢
酒洗

白芍

五錢
酒炒

山萸肉

五錢
蒸熟

水煎服

三月便

可身健受孕。斷可種子。此方之用。不特補血而純於填精。精滿則子宮易於攝。精血足則子宮易於容物。皆有子之道也。惟是貪慾者多。節慾者少。往往不驗。服此者果能節慾三月。心靜神清。自無不孕之理。否則不過身體壯健而已。勿咎方之不靈也。

胸滿不思食。不孕。婦人有飲食少思。胸膈滿悶。終日倦怠思睡。一經房事呻吟不已。人以爲脾胃之氣虛也。誰知是腎氣不足乎。夫氣宜升騰。不宜消降。升騰於上焦。則脾胃易於分運。降陷於下焦。則脾胃難於運化。人乏水穀之養。則精神自爾倦怠。脾胃之氣可升而不可降也。明甚然而脾胃之氣。雖充於脾胃之中。實生於兩腎之內。無腎中之水氣。則胃之氣不能騰。無腎中之火氣。則脾之氣不能化。惟有腎之水火二氣。而脾胃之氣。

始能升騰而不降也。然則補脾胃之氣。可不急補腎中水火之氣乎。治法必以補腎氣為主。但補腎而不兼補脾胃之品。則腎之水火二氣。不能提於至陽之上也。方用升提湯。大熟地一兩九蒸 巴戟一兩水浸 白朮一兩七炒 人

參五錢

黃耆五錢生用

山萸肉三錢蒸

枸杞二錢

柴胡五分

水煎服 三

月而腎氣大旺。再服一月。未有不能受孕者。此方補氣之藥。多於補精。似乎以補脾胃為主矣。孰知脾胃健而生精自易。是補脾胃之氣與血。正所以補腎之精與水也。又益以補精之味。則陰陽自足。陽氣易升。自爾騰越於上焦矣。陽氣不下陷。則無非大地陽春。隨遇皆是化生之機。安有不受孕之理與。

下部冰冷不受孕。婦人有下身冰冷。非火不暖。交感之際。陰中絕無溫熱之氣。人以爲天分之薄也。誰知是胞胎寒之極乎。夫寒冰之地。不生草

木重陰之淵。不長魚龍。今胞胎既寒。何能受孕。雖男子鼓勇力戰。其精甚熱。直射於子宮之內。而寒冰之氣相逼。亦不過茹之於暫。而不能不吐之於久也。夫猶是人也。此婦之胞胎。何以寒涼至此。豈非天分之薄乎。非也。蓋胞胎居於心腎之間。上繫於心。而下繫於腎。胞胎之寒涼。乃心腎二火之衰微也。故治胞胎者。必須補心腎二火。而後可。方用溫胞散。白朮一兩炒。巴戟一兩鹽水浸。人參三錢。杜仲三錢炒黑。兔絲子三錢酒浸炒。山藥三錢炒。芡一兩實三錢炒。肉桂二錢去粗皮研。附子三分製。補骨脂二錢鹽水炒。水煎服。一月而胞胎熱。此方之妙。補心而即補腎。溫腎而即溫心。心腎之氣旺。則心腎之火自生。心腎之火生。則胞胎之寒自散。原因胞胎之寒。以至茹而即吐。而今胞胎既熱矣。尙有施而不受者乎。若改湯爲丸。朝夕吞服。尤能攝精。斷不至有伯道無兒之歎也。

胸滿少食不孕。婦人有素性恬淡。飲食少則平和。多則難受。或作嘔洩。胸膈脹滿。久不受孕。人以爲賦稟之薄也。誰知是脾胃虛寒乎。夫脾胃之虛寒。原因心腎之虛寒耳。蓋胃土非心火不能生。脾土非腎火不能化。心腎之火衰。則脾胃失主化之權。卽不能消水穀以化精微矣。旣不能化水穀之精微。自無津液以灌溉於胞胎之中。欲胞胎有溫煖之氣。以養胚胎。必不可得。縱然受胎。而帶脈無力。亦必墮落。此脾胃虛寒之咎。故無玉麟之毓也。治法可不急溫補其脾胃乎。然脾之母原在腎之命門。胃之母原在心之胞絡。欲溫補脾胃。必須補二經之火。蓋母旺子必不弱。母熱子必不寒。此子病治母之義也。方用溫土毓麟湯。

巴戟一兩去心酒浸 覆盆子一兩酒浸蒸

白朮五錢土炒

人參三錢

懷山藥五錢炒

神麩一錢炒

水煎服。

一月可以

種子矣。此方之妙。溫補脾胃而又兼補命門。與心包絡之火。藥味不多。

而四經並治。命門心包之火旺則脾與胃無寒冷之虞。子母相顧一家和合自然。飲食多而善化氣血旺而能任帶脈有力。不虞落胎。安有不玉麟之育哉。

少腹急迫不孕。婦人有少腹之間。自覺有緊迫之狀。急而不舒。不能生育。此人人之所不識也。誰知是帶脈之拘急乎。夫帶脈繫於腰臍之間。宜弛而不宜急。今帶脈之急者。由於腰臍之氣不利也。而腰臍之氣不利者。由於脾胃之氣不足也。脾胃氣虛則腰臍之氣閉。腰臍之氣閉則帶脈亦拘急。遂致牽動胞胎。精卽直射於胞胎。胞胎亦暫能茹納。而力難負載。必不能免小產之虞。况人多不能節慾。安得保其不墮乎。此帶脈之急。所以不能生子也。治法宜寬其帶脈之急。而帶脈之急不能遽寬也。宜利其腰臍之氣。而腰臍之氣不能遽利也。必須大補其脾胃之氣與血。而腰臍可

利帶脈可寬。自不難於孕育矣。方用寬帶湯。

白朮一兩七炒

巴戟肉五錢酒浸

補骨脂一錢鹽水炒

人參三錢

麥冬三錢去心

杜仲二錢炒黑

大熟地五錢九蒸

肉蓯

蓉三錢洗淨

白芍三錢酒炒

當歸二錢酒洗

五味子三分炒

建蓮子二十粒不去心

水煎服。

四劑少腹無緊迫之狀。服一月即受胎。此方之妙。脾胃兩補。而又利腰
臍之氣。自然帶脈寬舒。可以載物而勝任矣。或疑方中用白芍五味之
酸收。不增帶脈之急。而反利帶脈之寬。殊不可解。豈知帶脈之急。由於
血氣之虛。蓋血虛則縮而不伸。氣虛則攣而不達。用白芍之酸。以平肝
木。則肝不尅脾。用五味之酸。以生腎水。則腎能益帶。似相礙而實相濟
也。何疑之有。

嫉妬不孕 婦人有懷抱素惡。不能生子者。人以爲天心厭之也。誰知是
肝氣鬱結乎。夫婦人之有子也。必然心脈流利而滑。脾脈舒徐而和。腎脈

旺大而鼓指始稱喜脈。未有三部脈鬱而能生子者也。若三部脈鬱肝氣
 必因之而更鬱。肝氣鬱則心腎之脈必致鬱之極而莫解。蓋子母相依。鬱
 必不喜。喜必不鬱也。其鬱而不能成胎者。以肝木不舒。必下尅脾土。而致
 塞脾土之氣。塞則腰臍之氣必不利。腰臍之氣不利。必不能通任脈而達
 帶脈。則帶脈之氣亦塞矣。帶脈之氣既塞。則胞胎之門必閉。精即到門。亦
 不得其門而入矣。其奈之何哉。治法必解四經之鬱。以開胞胎之門。則幾
 矣。方用開鬱種玉湯。白芍一兩酒炒。香附三錢酒炒。當歸五錢酒洗。白朮五錢土炒。丹
 皮三錢酒洗。茯苓二錢去皮。花粉一錢。水煎服。一月則鬱結之氣開。鬱開則
 無非喜氣之盈腹。而嫉妬之心。亦可以一易自然。兩相合好。結胎於頃
 刻之間矣。此方之妙。解肝氣之鬱。宣脾氣之困。而心腎之氣亦因之俱
 舒。所以腰臍利而任帶通達。不必啓胞胎之門。而胞胎自啓。不特治嫉

妬者也。

肥胖不孕。婦人有身體肥胖。痰涎甚多。不能受孕者。人以爲氣虛之故。誰知是濕盛之故乎。夫濕從下受。乃言外邪之濕也。而肥胖之濕實非外邪。乃脾土之內病也。然脾土既病。不能分化水穀以養四肢。宜其身軀瘦弱。何以能肥胖乎。不知濕盛者多肥胖。肥胖者多氣虛。氣虛者多痰涎。外似健壯而內實虛損也。內虛則氣必衰。氣衰則不能行水。而濕停於腸胃之間。不能化精而化涎矣。夫脾本濕土。又因痰多。愈加其濕。脾不能受熱。必浸潤於胞胎。日積月累。則胞胎竟變爲汪洋之水窟矣。且肥胖之婦人。肉必滿。遮隔子宮。不能受精。此必然之勢也。况又加以水濕之盛。卽男子甚健。陽精直達子宮。而其水勢滔滔泛濫可畏。亦遂化精成水矣。又何能成妊哉。治法必須以洩水化痰爲主。然徒洩水化痰。而不急補脾胃之氣。

則陽氣不旺。濕痰不去。人先病矣。烏望其茹而不吐乎。方用加味補中益

氣湯。人參三錢 黃耆三錢 生用 柴胡 甘草各一錢 當歸三錢 酒洗 白朮二兩 土炒

升麻四分 陳皮五分 茯苓五錢 半夏三錢 製 水煎服 八劑痰涎盡

消。再十劑水濕利。子宮涸出。易於受精而成孕矣。其在於昔。則如望洋

觀海。而至於今。則是馬到成功也。快哉。此方之妙。妙在提脾氣而升於

上。作雲作雨。則水濕反利於下行。助胃氣而消於下。為津為液。則痰涎

轉易於上化。不必用消化之品。以損其肥。而肥自無礙。不必用溶決之

味。以開其竅。而竅自能通。陽氣充足。自能攝精。濕邪散除。自可受種矣。

何肥胖不孕之足慮乎。

骨蒸夜熱不孕 婦人有骨蒸夜熱。遍體火焦。口乾舌燥。咳嗽吐沫。難於

生子者。人以為陰虛火動也。誰知是骨髓內熱乎。夫寒陰之地。固不生物。

而乾旱之田。豈能長養。然而骨髓與胞胎。何相關切。而骨髓之熱。卽能使人不嗣。此前輩所未言者。一旦創言之。不幾爲世俗所駭乎。而要知不必駭也。此中實有其理焉。蓋胞胎爲五臟外之一臟耳。以其不陰不陽。所以不列於五臟之中。所謂不陰不陽者。以胞胎上繫於心。心包者通於心。心者陽也。繫命門者通於腎。腎者陰也。是陰之中有陽。陽之中有陰。所以通於變化。或生男。或生女。俱從此出。然必陰陽協和。不偏不枯。始能變化生人。否則難矣。况胞胎旣通於腎。骨髓亦腎而之所化也。骨髓熱。由於腎之熱。腎熱而胞胎亦不能不熱。且胞胎非骨髓之養。則嬰兒無以生骨。骨髓過熱。則骨中空虛。惟存火烈之氣。又何能成胎。治法必須清骨中之熱。然骨熱由於水虧。必補腎之陰。則骨熱除。珠露有滴濡之喜矣。壯水之主。以制陽光。此之謂也。方用清骨滋腎湯。

地骨皮

一兩
酒洗

皮

沙參

各五錢

麥冬

五錢去心

元參

五錢酒洗

五味子

五分炒研

白朮

三錢土炒

石斛

二錢

水煎服。連三十劑而骨熱解。再服六十劑自受孕。此方之妙。補腎中之精。涼骨中之熱。不清胞胎。而胞胎自無大熱之患。然陰虛內熱之人。原易受妊。今因骨髓過熱。所以受精而變燥。以致難於育子。本非胞胎之不能受精。所以稍補其腎。以殺其火之有餘。而益其水之不足。便易種子耳。

腰痠腹脹不孕。婦人有腰痠背楚。胸滿腹脹。倦怠欲臥。百計求嗣。不能如願。人以為腰腎之虛也。誰知是任督之困乎。夫任脈行於前。督脈行於後。然皆從帶脈之上下而行也。故任脈虛則帶脈墜於前。督脈虛則帶脈墜於後。雖胞胎受精。亦必小產。况任督之脈既虛。而疝瘕之症必起。疝瘕礙胞胎而外障。則胞胎縮於疝瘕之內。往往精施而不能受。雖餌以玉燕。

亦何益哉。治法必須先去其疝瘕之病。而補其任督之脈。則提挈天地。把握陰陽。呼吸精氣。包裹成形。力足以勝任。而無虞矣。外無所障。內無所容。安有不能生育之理。方用升帶湯。白朮一兩七炒 人參三錢 沙參五錢 肉

桂一錢去粗皮研

葶薺粉三錢

鼈甲三錢炒

茯苓三錢

半夏一錢製

神麩一錢炒

水煎連服三十劑。而任督之氣旺。再服三十劑。而疝瘕之症除。此方利腰之氣。止升補任督之氣也。任督之氣升。而疝瘕自有難容之勢。况方中有肉桂以散寒。葶薺以祛積。鼈甲之攻堅。茯苓之利濕。有形自化於無形。滿腹皆升騰之氣矣。何至受精而再墜乎哉。

便澀腹脹足浮腫不孕。婦人有小便艱澀。腹脹足腫。不能受孕者。人以爲小腸之熱也。誰知是膀胱之氣不化乎。夫膀胱原與胞胎相近。膀胱病而胞胎亦病矣。蓋水濕之氣。必走膀胱。而膀胱不能自化。必得腎氣相通。

始能化水以出陰器。倘膀胱無腎氣之通。則膀胱之氣化不行。水濕之氣必且滲入胞胎之中而成汪洋之勢。汪洋之田。又何能生物也哉。治法必須壯腎氣以分消胞胎之濕。益腎火以運化膀胱之水。使先天之本壯。則膀胱之氣化。胞胎之濕除。而汪洋之田。化成雨露之壤矣。水化則膀胱利。火旺則胞胎煖。安有布種而不發生者哉。方用化水種子湯。

白朮一兩
土炒

茯苓五錢

人參三錢

兔絲子五錢
酒炒

芡實五錢
炒

車前二錢
酒炒

肉桂一錢
粗皮研去

水煎服

一劑膀胱之氣化。四劑艱澀之證除。又十劑虛

脹脚腫之病形消。六十劑腎氣大旺。胞胎溫煖易於受胎而生育矣。此方利膀胱之水。全在補腎中之氣。煖胞胎之氣。全在壯腎中之火。至於補腎之藥。多是濡潤之品。不以濕而益助其濕乎。然方中之藥。妙於補腎之火。而非補腎之水。尤妙於補火而無燥烈之虞。利水而非蕩滌之

猛。所以膀胱氣化。胞胎不濕。而發榮長養無窮與。

六。妊娠

惡阻。婦人懷娠之後。惡心嘔吐。思酸解渴。見食憎惡。困倦欲臥。人皆曰。妊娠惡阻也。誰知是肝血太燥乎。夫婦人受妊。本於腎氣之旺也。腎旺是以攝精。然腎一受精。而成娠。則腎水生胎。不暇化潤於五臟。而肝爲腎之子。日食母氣以舒。一日無津液之養。則肝氣迫索。而腎水不能應。則肝益急。肝急則火動而逆也。肝氣既逆。是以嘔吐惡心之症生焉。嘔吐縱不至太甚。而其傷氣則一也。氣既受傷。則肝血愈耗。世人用四物湯治胎前諸症者。正以其能生肝之血也。然補肝以生血。未爲不佳。但生血而不知生氣。則脾胃衰微。不勝頻嘔。猶恐氣虛。則血不易生也。故於平肝補血之中。加以健脾開胃之品。以生陽氣。則氣能生血。尤益胎氣耳。或疑氣逆而用

補氣之藥。不益助其逆乎。不知妊娠惡阻。其逆不甚。且逆是因虛而逆。非因邪而逆也。因邪而逆者。助其氣則逆增。因虛而逆者。補其氣則逆轉。况補氣於補血之中。則陰足以制陽。又何慮其增逆乎。宜用順肝益氣湯。

人參

當歸

酒洗

蘇子

炒研各一錢

白朮

三錢土炒

茯苓

二錢

熟地

五錢九蒸

白

芍酒炒

麥冬

去心各三錢

陳皮

三分

砂仁

一粒炒研

神麴

一錢炒

水煎服

一劑

輕。二劑平。三劑全愈。此方平肝則肝逆除。補腎則腎燥息。補氣則血易生。凡胎病而少帶惡阻者。俱以此方調之。無不安。最有益於胎婦。其功更勝於四物焉。

浮腫 妊娠有至五個月。身肢倦怠。飲食無味。先兩足腫。漸至遍身頭面俱腫。人以爲濕氣使然也。誰知是脾肺氣虛乎。夫妊娠雖有按月養胎之分。其實不可拘於月數。總以健脾補肺爲大綱。蓋脾統血。肺主氣。胎非血

不蔭。非氣不生。脾健則血旺而蔭胎。肺清則氣旺而生子。苟肺衰則氣餒。氣餒則不能運氣於皮膚矣。脾虛則血少。血少則不能運血於肢體矣。氣血兩虛。脾與肺失職。所以飲食難消。精微不化。勢必至氣血下陷。不能升舉。而濕邪即乘其所虛之處。積而成浮腫症。非由脾肺之氣血虛而然耶。治法當補其脾之血與肺之氣。不必祛濕而濕自無不去之理。方用加減

補中益氣湯。

人參 五錢

黃耆 三錢 生用

柴胡 一錢

甘草 一分

陳皮 三分

當歸 三錢 七炒

白朮 五錢 酒洗

茯苓 一兩

升麻 三分

水煎服

四劑即愈。十

劑不再犯。夫補中益氣湯之立法也。原是升提脾肺之氣。似乎益氣而不補血。然而血非氣不生。是補氣即所以生血。觀當歸補血湯用黃芪為君。則較著彰明矣。况濕氣乘脾肺之虛而相犯。未便大補其血。恐陰太盛而招陰也。只補氣而助以利濕之品。則氣升而水尤易散。血亦隨

之而生矣。然則何以重用茯苓而至一兩。不幾以利濕爲君乎。嗟嗟。濕證而不以此藥爲君。將以何者爲君乎。况重用茯苓於補氣之中。雖曰滲濕。而仍是健脾清肺之意。且凡利水之品。多是耗氣之藥。而茯苓與參朮合。實補多於利。所以重用之以分濕邪。卽以補氣血耳。

少腹疼。妊娠少腹作疼。胎動不安。如有下墜之狀。人只知帶脈無力也。誰知是脾腎之虧乎。胞胎雖繫於帶脈。而帶脈實關於脾腎。脾腎虧損。則帶脈無力。胞胎卽無以勝任矣。况人之脾腎虧損者。非飲食之過傷。卽色慾之太甚。脾腎虧則帶脈急。胞胎所以有下墜之狀也。然則胞胎之系。通於心與腎。而不通於脾。補腎可也。何故補脾。然脾爲後天。腎爲先天。脾非先天之氣不能化。腎非後天之氣不能生。補腎而不補脾。則腎之精何以遽生也。是補後天之脾。正所以補先天之腎也。補先後二天之脾與腎正

所以固胞胎之氣與血脾腎可不均補乎。方用安奠二天湯。 人參去蘆

熟地九蒸 白朮土炒各一兩 山藥五錢 灸草一錢 杜仲三錢炒黑 枸杞二錢

山萸蒸去核 扁豆炒去皮各五錢 水煎服。 一劑而疼止。二劑而胎安矣。夫胎

動乃脾腎雙虧之證。非大用參朮熟地補陰補陽之品。斷不能挽回於

頃刻。世人往往畏用參朮。或少用以冀建功。所以寡效。此方正妙在

用也。

口乾咽痛 妊娠至三四個月。自覺口乾舌燥。咽喉微痛。無津以潤。以至

胎動不安。甚則血流如經水。人以爲火動之極也。誰知是水虧之甚呼。夫

胎也者。本精與血之相結而成。逐月養胎。古人每分經絡。其實均不離腎

水之養。故腎水足而胎安。腎水虧而胎動。雖然腎水又何能動胎。必腎經

之火動。而胎始不安耳。然而火之有餘。仍是水之不足。所以火炎而胎必

動補水則胎自安。亦既濟之義也。惟是腎水不能遽生。必須滋補肺金。金潤則能生水。而水有逢源之樂矣。水既有本。則源泉混混矣。而火又何難制乎。再少加以清熱之品。則胎自無不安矣。方用潤燥安胎湯。熟地一兩九蒸。生地三錢酒炒。山黃蒸。麥冬去心各五錢。五味子二錢炒。黃芩二錢酒炒。阿膠蛤粉炒。益母各二錢。水煎服。二劑而燥息。再二劑而胎安。連服十劑而胎不乾燥。則火不能灼。胎焉有不安之理乎。

吐瀉腹疼。妊婦上吐下瀉。胎動欲墜。腹痛難忍。急不可緩。此脾胃虛極。而然也。夫脾胃之氣虛。則胞胎無力。必有崩墜之虞。况又上吐下瀉。則脾與胃之氣。因吐瀉而愈虛。欲胞胎之無恙。也得乎。然胞胎疼痛。而究不至下墜者。何也。全賴腎氣之固也。胞胎繫於腎。而連於心。腎氣固。則交於心。

其氣通於胞胎。此胞胎之所以欲墜而不得也。且腎氣能固則陰火必來生脾。心氣能通則心火能必援胃。脾胃雖虛而未絕則胞胎雖動而不墜。可不急救其脾胃乎。然脾胃當將絕而未絕之時。只救脾胃而難遽生。更宜補其心腎之火。使之生土。則兩相接續。胎自固而安矣。方用援土固胎

湯。人參一兩 白朮二兩 山藥一兩 肉桂二錢 續斷 杜仲炒黑各三錢 附

子五分 山萸肉一兩 枸杞一錢 砂仁三粒 炙草一錢 兔絲子三錢

製

山萸肉

一兩蒸去核

枸杞

砂仁

炙草

兔絲子

水煎服。一劑而洩止。二劑而病盡除矣。此方救脾胃之土。十之八。救心腎之火。十之二也。救火輕于救土者。豈以土欲絕而火未甚衰乎。非也。蓋土崩非重劑不能援。火衰雖小劑而可助。熱藥多用。必有太燥之虞。不比溫甘之品也。况胎動係土衰而非火弱。何用太熱。妊娠忌桂附。是恐傷胎。豈可多用。小熱之品計之以錢。太熱之品計之以分者。不過用

以引火而非用以壯火也。其深思哉。

子懸脇疼。妊娠有懷抱憂鬱，以致胎動不安。兩脇悶而疼痛，如弓上弦。人只知是子懸之病也。誰知是肝氣不通乎。夫養胎半係於腎水。然非肝血相助，則腎水實有獨力難支之勢。故保胎必滋腎水，而肝血斷不可不顧。使肝氣不鬱，則肝之氣不閉，而肝之血必旺。自然灌溉胞胎，合腎水而並助養胎之力。今肝氣因憂鬱而閉塞，則胎無血蔭。腎難獨任，而胎安得不上升以覓食。此乃鬱氣使然也。莫認爲子之欲自懸，而妄用泄子之品，則得矣。治法宜開肝氣之鬱結，補肝血之乾燥，則子懸自定矣。方用解鬱湯。

人參 一錢

白朮 五錢土炒

白茯苓 三錢

當歸 酒洗

白芍 酒炒各一兩

枳殼

五分炒

砂仁 三粒炒研

山梔子 三錢炒

薄荷 二錢

水煎服

二劑而悶痛除。

二劑而子懸定。至三劑而全安。去梔子再多服數劑，不復發。此乃平肝

解鬱之聖藥。鬱開則木不尅土。肝平則火不妄動。方中又有健脾開胃之品。自然水精四布。而肝與腎有潤澤之機。則胞胎自無乾燥之患。又何慮子懸之不愈哉。

跌損 婦人有失足跌損。致傷胎元。腹中疼痛。勢如將墜者。人只知是外傷之為病也。誰知有內傷之故乎。凡人內無他證。胎元堅固。即或跌撲閃挫。依然無恙。惟內之氣血素虧。故略有閃挫。胎便不安。若止作閃挫外傷治。斷難奏功。且恐有因治而反墜者。可不慎歟。必須大補氣血。而少加以行瘀之品。則瘀散胎安矣。但大補氣血之中。又宜補血之品。多於補氣之藥。則無不得之方。用救損安胎湯。

常歸一兩

白芍三錢

生地一兩

白

朮五錢

灸草

人參

蘇木

乳香

沒藥

水煎服。

一劑而疼痛止。二劑而勢不下墜矣。不必三劑也。此方之妙。妙在既能

去瘀而不傷胎。又能補氣補血而不凝滯。固無通利之害。亦痊跌閃之傷。有益無損。大建奇功。卽此方與然不特治懷孕之閃挫也。卽無妊閃挫者。亦可用之。

小便下血病名胎漏。妊婦有胎不動。腹不疼。而小便中時常有血流出者。人以爲血虛胎漏也。誰知氣虛不能攝血乎。夫血只能蔭胎。而胎中之蔭血。必賴氣以衛之。氣虛下陷則蔭胎之血亦隨風而陷矣。然則氣虛下陷而血未嘗虛。似不應與氣同陷也。不知氣乃血之衛。血賴氣以固。氣虛則血無憑依。無憑依必燥急。燥急必生邪熱。血寒則靜。血熱則動。動則外出而莫能遏。又安得不下流乎。倘氣不虛而血熱。則必大崩。而不止些微之漏矣。治法宜補其氣之不足。而洩其火之有餘。則血不必止而自無不止矣。方用助氣補漏湯。

人參 一兩
白芍 五錢酒炒
黃芩 酒炒
生地 各三錢酒炒黑

益母草一錢、續斷二錢、甘草一錢、水煎服。一劑而血止，二劑再不

漏矣。此方用人參以補陽氣，用黃芩以洩陰火。火洩則血不熱，而無欲動之機。氣旺則血有依，而無可漏之竅。氣血俱旺而協和，自然歸經而各安其所矣。又安有漏洩之患哉。

子鳴。妊婦懷胎至七八個月，忽然兒啼，腹中腰間隱隱作痛，人以為胎熱之過也。誰知是氣虛之故乎。夫兒之在胞胎也，全憑母氣以化成。母呼兒亦呼，母吸兒亦吸。未嘗有一刻之間斷。至七八個月，則母氣必虛矣。兒不能隨母之氣以為呼吸，必有迫不及待之勢。母子必相依為命。子失母之氣，則拂子之意，而啼於腹中，似可異而究不必異。病名子鳴，氣虛甚也。治宜大補其氣，使母之氣與子氣和合，則子之意安，而啼亦息矣。方用扶氣止啼湯。

人參

黃耆

生用

麥冬

去心各一兩

當歸

五錢酒洗

橘紅

五分

甘草

花粉

各一錢

水煎服。

一劑而啼即止。

二劑不再啼。

此方用人參黃

耆麥冬以補肺氣。使肺氣旺則胞胎之氣亦旺。胞胎之氣旺則胞中之子氣有不隨母之氣以爲呼吸者未之有也。

腰腹疼痛。渴汗燥狂。婦人懷妊。有口渴汗出。大飲冷水。而煩燥發狂。腰腹疼痛。以致胎欲墜者。人莫不謂火盛之極也。抑知是何經之火盛乎。此乃胃火炎熾。熬煎胞胎之水。以致胞胎之水涸。胎失所養。故動而不安耳。夫胃爲水穀之海。多氣多血之經。所以養五臟六腑者。蓋萬物皆生於土。土氣厚而物始生。土氣薄而物必死。然土氣之所以能厚者。全賴火氣之來生也。胃之能化水穀者。亦賴火氣之能化也。今胃中有火。宜乎生土。何以火盛而反致害乎。不知無火難以生土。而火多又能爍水。雖土中有火。土不死。然亦必有水。方不燥。使胃火太旺。必致爍乾腎水。土中無水。則自

潤不足。又何以分潤胞胎。土爍之極。火勢炎蒸。犯心越神。兒胞受逼。安得不下墜乎。經所謂二陽之病發心脾者。正此義也。治法必須洩火滋水。使水氣得旺。則火氣自平。火平則汗狂躁渴自定矣。方用息焚安胎湯。生

地

一兩
酒炒

青蒿

白朮

七錢
五錢

茯苓

人參

各三錢

知母

花粉

各一錢

水煎

服。一劑而狂少平。二劑而狂大定。三劑而火盡解。胎亦安矣。此方藥料頗重。恐人慮不勝。而不敢全用。又不得不再為囑之。懷胎而火勝若此。非大劑何以能蠲。火不息則狂不止。而胎安能安耶。况藥料雖多。均是滋水之味。益而無損。勿過慮也。

中惡 婦人懷子在身。痰多吐涎。偶遇鬼神崇惡。忽然腹中疼痛。胎向上頂。人疑為子懸之病也。誰知是中惡而胎不安乎。大凡不正之氣。最易傷胎。故有孕之婦。斷不宜入廟燒香。與僻靜陰寒之地。如古洞幽巖。皆不可

登蓋邪崇多在廟宇潛踪。幽陰巖洞亦其往來遊戲之所。觸之最易相犯。不可不深戒也。况孕婦又多痰涎。眼目易眩。目一眩如有妄見。此招崇之因痰而起也。人云怪病每起於痰。其信然與。治法似宜以治痰為主。然治痰必至耗氣。氣虛而痰難消化。胎必動搖。必須補氣以生血。補血以活痰。再加以清痰之品。則氣血不虧。痰亦易化矣。方用消惡安胎湯。當歸酒洗、白芍酒炒各一兩、白朮土炒、茯苓各五錢、人參三錢、甘草一錢、陳皮五分、花粉三錢、蘇葉、沉香研末各一錢、水煎服。此方大補氣血。輔正邪自除之義也。

多怒墮胎 婦人有懷妊之後。未至成形。或已成形。其胎必墮。人皆曰氣血衰微。不能固胎也。誰知是性急怒多。肝火大動而不靜乎。夫肝本藏血。肝怒則不藏。不藏則血難固。蓋肝雖屬木。而木中實寄龍雷之火。所謂相

火是也。相火宜靜而不宜動。靜則安。動則熾。况木中之火。又易動而難靜者也。人生在世。無日非動靜之時。即無日非動火之時。尤加大怒。則火益動矣。火動而不可止。遏則火勢飛揚。不能生氣養胎。而反食氣傷精矣。精傷則胎無所養。勢必不墜而巳。經所謂少火生氣。壯火食氣。正此義也。治法宜平其肝中之火。利其腰臍之氣。使氣生夫血。而血清。其火則庶幾矣。方用利氣洩火湯。

人參 三錢 白朮 一兩 土炒 甘草 一錢 熟地 五錢 九蒸 當歸 三錢 酒洗 白芍 五錢 酒炒 芡實 三錢 炒 黃芩 二錢 酒炒 水煎服。六十劑而胎不墮矣。此方名雖利氣。而實補氣也。然補氣而不加以洩火之品。則氣旺而火不能平。必反害其氣也。故加黃芩於補氣之中。以洩火。又有熟地歸芍以滋肝。而壯水之主。則氣不燥而氣得和。怒氣息而火自平。不必利氣而氣無不利。即無往而不利矣。

七·小產

行房小產。妊婦因行房顛狂。遂致小產。血崩不止。人以爲火動之極也。誰知是氣脫之故乎。大凡婦人之懷妊也。賴腎水以蔭胎。水源不足。則火易沸騰。加以久戰不已。則火必大動。再至興酣顛狂。精必大洩。精大洩則腎水益涸。而龍雷相火益熾。水火兩病。胎不能固而墮矣。胎墮而火猶未息。故血隨火而崩下。有不可止遏之勢。人謂火動之極。亦未爲大誤也。但血崩本於氣虛。火盛本於水虧。腎水旣涸。則氣之生源涸矣。氣源旣涸。而氣有不脫者乎。此火動是標。而氣脫是本也。經云。治病必求其本。本固而標自立矣。若只以止血爲主。而不急固其氣。則氣散不能速回。而血何由止。不大補其精。則水涸不能遽長。而火且益熾。不揣其本而齊其末。吾未見有能濟者也。方用固氣填精湯。

人參一兩 黃耆生用 一兩 白朮五錢 七炒 大

熟地

一兩九蒸

當歸

五錢酒洗

芥穗

二錢炒黑

三七

三錢研末沖

水煎服

一劑而血止

二劑而身安。四劑則全愈。此方之妙。妙在不去清火。而惟去補氣補精。其奏功獨神者。以諸藥溫潤。能除大熱也。蓋熱是虛。故補氣自能攝血。補精自能止血。意在本也。

閃跌小產 妊婦有跌扑閃挫。遂致小產。血流紫塊。昏暈欲絕者。人皆曰瘀血作祟也。誰知是血室損傷乎。夫血室與胞胎相連。如唇齒之相依。胞胎有傷。則血室亦損。唇亡齒寒。理有必然也。然胞胎損傷而流血者。其傷淺。血室傷損而流血者。其傷深。傷之淺者。疼在腹。傷之深者。暈在心。同一跌扑損傷。而未小產與已小產。治各不同。未小產而胎不安者。宜顧其胎。而不可輕去其血。已小產而血大崩。宜散其瘀。而不可重傷其氣。蓋胎已墮。血既脫。而血室空虛。惟氣存耳。倘或再傷其氣。安保無氣脫之憂乎。經

云。血爲營。氣爲衛。使衛有不固。則營無從而安矣。故必補氣以生血。新血生而瘀血自散矣。方用理氣散瘀湯。人參一兩。黃耆生用一兩。當歸五錢酒洗。

茯苓二錢

紅花一錢

丹皮三錢

薑炭五錢

水煎服。

一劑而流血

止。二劑而昏暈除。三劑而全安矣。此方用人參黃耆以補氣。氣旺則血可攝也。用當歸丹皮以生血。血生則瘀難留也。用紅花黑薑以活血。血活則暈可除也。用茯苓以利水。水利則血易歸經也。

大便乾結小產。妊婦有口渴煩躁。舌上生瘡。兩唇腫裂。大便乾結。數日不得通。以致腹疼小產者。人皆曰大腸之火熱也。誰知是血熱燥胎乎。夫血所以養胎也。溫和則胎受其益。太熱則胎受其損。如其熱以燥之。則兒在胞胎之中。若有探湯之苦。難以存活。則必外越下奔。以避炎氣之逼迫。欲其胎之不墜也。得乎。然則血蔭乎胎。則血必虛耗。血者陰也。虛則陽亢。

亢則害矣。且血乃陰火所化血。日蔭胎。取給刻不容緩。而火熾陰水不能
 速生以化血。所以陰虛火動。陰中無非火氣。血中亦無非火氣矣。兩火相
 合。焚逼胎兒。此胎之所以下墜也。治法宜清胞中之火。補腎中之精。則可
 已矣。或疑兒已下墜。何故再顧其胞血。不蔭胎何必大補其水。殊不知火
 動之極。以致胎墮。則胞中純是一團火氣。此火乃虛火也。實火可洩而虛
 火宜於補中。清之則虛火易散。而真火可生。倘一味清涼以降火。全不顧
 胞胎之虛實。勢必至寒氣逼人。胃中生氣蕭索矣。胃乃二陽。資養五臟者
 也。胃陽不生。何以化精微以生陰水平。有不變為勞瘵者。幾希矣。方用加
 減四物湯。熟地五錢 白芍三錢 當歸一兩 山梔子酒炒 川芎各一錢
九蒸 山藥炒 丹皮各三錢 山黃二錢 水蒸服。四五劑而全愈矣。
去核

畏寒腹疼小產 妊婦有畏寒腹疼因而墮胎者。人只知下部太寒也。誰

知是氣虛不能攝血乎。夫人生於火亦養於火。非氣不充。氣旺則火旺。氣衰則火衰。人之所以坐胎者。受父母先天之真火也。先天之真火。即先天之真氣以成之。故胎成於氣。亦攝於氣。氣旺則胎牢。氣衰則胎墮。胎日加長而氣日加衰。安得不墮哉。况又遇寒氣外侵。則內之火氣更微。火氣微則長養無資。此胎之不能不墮也。使當其腹疼之時。即用人參乾薑之類。補氣祛寒。則可以疼止而胎安。無如人拘於妊娠之藥。禁而不敢用。因以墮胎而僅存機微之氣。不急救氣。尙有何法。方用黃耆補氣湯。黃耆二兩。生用。當歸一兩。酒洗。肉桂五分。去皮研。水煎服。五劑愈矣。倘認定是寒。大用辛熱全不補氣與血。恐過於燥熱。反致亡陽而變危矣。

大怒小產 妊娠有大怒之後。忽然腹疼吐血。因而墮胎。及胎墮之後。腹疼仍未止者。人以爲肝之怒火未退也。誰知是血不歸經而然乎。夫肝所

以藏血者也。大怒則血不能藏，宜失血而不當墮胎。何為失血而胎亦隨墮乎？不知肝性最急，血門不閉，其血直搗於胞胎。胞胎之系通於心腎之間，肝血來冲，必斷絕心腎之路。胎因心腎之路斷，胞胎失水火之養，所以墮也。胎既墮矣，而腹疼如故者，蓋因心腎未接，欲續無計，彼此痛傷，肝氣欲歸於心，而心不受，欲歸於腎，而腎不納，故血猶未靜而疼無已也。治法宜引肝之血而入於肝，而腹疼自已矣。然徒引肝之血而不平肝之氣，則氣逆而不易轉，即血逆而不易歸也。方用引氣歸血湯。

白朮五錢 酒洗 黑芥穗三錢 甘草一錢 丹皮三錢 姜炭五分 香附五分 酒炒 麥冬三錢 去心 鬱金一錢 醋炒 水煎服。此方名為引氣，其實仍是引血也。引血亦所以引氣，氣歸於肝之中，血亦歸於肝之內，氣血兩歸而腹疼自止矣。

八。附雜證

婦人小便不通 杏仁七粒 去皮尖。麴炒黃。研細末。水調三服即愈。

婦人大小便不通 大麥桿燒灰。水調二錢服之。二三次即愈。

陰冷 蛇床子炒研二錢 白粉一錢 調勻如棗大每用一枚棉裹納入陰內。自溫

暖。

婦人陰癢或生濕瘡 蛇床子兩 艾葉明礬五倍子杏仁打碎各五錢 川連三錢

煎水先薰後洗即愈。○又方桃仁搗爛 用棉裹塞之。○又方用鯽魚切片

以稀布裹納陰戶內。其蟲自出。盡入布眼。治二三次。以出盡不癢為度。

再用蛇床子朴硝各五錢。煎水二碗。洗瘡拭乾。以乳香沒藥各錢半 研末

加枯礬六分 擦之。尤效。

陰痛 以青布裹鹽熨之。

雞眼痛 地骨皮紅花二味。共研細末。麻油調敷患處。效如神。如成瘡者。乾敷次日即結蓋。○又方生葱剖開取有葱沫一邊。貼在雞眼上。包好三日愈。

陰戶並糞門生白蟲 蜂蜜煉過二兩甘草研末三兩二味和勻敷癢處。蟲自出

即效。再以蛇床子一兩朴硝一兩煎湯。頻洗更效。

婦女脚了及足底彎曲處作癢 枯礬五錢熟石膏輕粉黃丹各三錢共研末。

開水候溫洗淨擦之即愈。○如破爛有膿水者葱湯洗淨。用海螵蛸去硬

壳二錢人中白三錢冰片二分。共為末。每一錢擦之愈。

女子小戶嫁痛 海螵蛸炙黃去甲研末。酒調服二錢。三次即愈。或以木耳一兩煮肉食三四日效。

女子乾血癆 唇紅腮白似桃花色。骨瘦如柴。相思亦有此病。用啄木蟲十數個瓦焙存性為末。每

用五分。上好黃酒調勻服之。不過十日即愈。

婦女乾血癆

三奇方。過三年不治。

用白鴿子一隻去肝腸淨入血竭。一年內者一兩。

二年內者二兩。三年者三兩。以針線縫住用無灰酒煮數沸。令病人吃下。瘀血即行如心中慌亂者。食白煮精肉一塊即止。○又方用全蝎去足燒灰存性研二錢。空心黃酒送下。三五日見效。○又方用削猪子腸燒灰黃酒送下。不過二三服全愈。

婦人陰吹症

大便燥堅

猪膏半斤。亂髮如雞子大三團。和勻煎至髮消藥成分

二服病從便出。此方兼治黃病燥結。

婦人顛狂失心。

明礬

煨六錢

鬱金

一分

共爲末。米汁爲丸如桐子大。每

服五十丸。白湯下。數服即愈。

婦人各種風病。腹中刺痛。紅藍花一兩。酒一大升。煮至六分。頓服一半。

未止再服。

婦人氣血不調腰膝疼痛手足搖擗等症。全當歸酒炒 白芍酒炒 熟地酒炒

各二錢 川芎八分 天麻錢半 丁皮五分 水煎服。○血分滯者加宣木瓜酒炒 錢半

氣分滯者加川斷肉錢半 有濕者去熟地

傷寒未愈交感病。男人傷寒未愈。陰毒在內。常有行房。而女人受毒得病者。其症似傷寒非傷寒。不治則死。問得真情。即用男人齧齧禪襠剪下一大片。煎湯服之立愈。如女人病而男子受毒者。即用女禪襠煎服。

片。煎湯服之立愈。如女人病而男子受毒者。即用女禪襠煎服。

婦人眼病。與男子頗殊。當補養腎水。並以疎肝解鬱之藥佐之。 新定開瞽神方。以下兩條陳氏女科要旨 羌蔚子隔紙烘

元參酒浸各八兩 香附為末以人乳拌五次 柴胡酒拌為末 各四兩 澤瀉酒拌 烘 防風用黃芪汁拌 白

菊花各三兩 共為末煉蜜為丸如梧子每服三錢菊花湯送下。○又方

枸杞子一斤去蒂并乾燥者不用 取羊胆十個瀉汁 用冬蜜十兩 山泉水一斤 攪勻將枸杞

子浸一宿。取出蒸半炷香晒乾。又浸又蒸晒。以汁乾為度。收藏密貯勿

洩氣。每早晚各吞三錢桑葉湯送下。

瘰癧。頭上項側結聚。成核累累。女子善懷。每多憂鬱。宜道遙散加貝母夏枯草牡蠣瓜囊。青皮之類常服。虛者加味歸脾湯效。○又方取大蝦蟆一個。去腸肚雜淨。覆於癧上。

以艾如大豆樣。炙蝦蟆皮上。其熱氣透癧。再灸別處。如蝦蟆皮焦。移易灸之。三五日灸一次。重者三次可愈。隨服消癧丸。元參牡蠣微炒醋淬貝母去心各八兩。共為末。

以夏枯草二斤。長流水熬膏半碗。入煉蜜半碗。為丸如梧子大。每服三錢。一日兩次。開水送下。外用皂角肉入鮑魚腹中。煨灰存性。蜜和醋調塗上。無不應效。○如已腐爛。外貼萬全膏。內服此方。或間服加味逍遙散。自愈。

○此症切忌刀針。及敷潰爛之藥。餘與男人同治。

乳頭腫硬。用鹿角尖燒灰存性研細末。酒調服二錢。外用葱白搗爛敷之即愈。○若結乳腫痛。蓮蓬桿一把。煎湯薰洗。數次即散。或用荷葉桿亦可。○又方用生山藥不拘多少。搗爛之立效。○又方蚯蚓糞以陳醋調塗患處。即愈。

乳癰並乳腫。男人患此同治。青橘葉百片。青皮五錢。柴胡一錢。水二碗煎一碗。入好酒一杯。熱服。被蓋出汗立愈。○又方香附末一兩。好麝香二分。研蒲公英三兩。和酒煎服。渣敷患處即消。

乳癰初起。尚未成形。用生蘿蔔連根帶泥搗爛。敷熱即更易。二三次即愈。○又方用糯米飯塗之亦效。

乳癰良方。兼治各種大毒。大當歸八錢。生黃耆五錢。金銀花五錢。炙甘草一錢。桔梗

女科入門 附雜證 七七

一錢五分 黃酒二碗煎八分半飢半飽服。○又治乳癰方。兼治乳癰鮮蒲公英一兩

連根搗爛取汁沖酒服。以渣敷患處即愈。如無鮮者以乾者三兩煎服。并敷亦可。○又方以豆腐桌下做豆腐淋下水一桶傾入鍋熬乾成膏。

布蘸搽上乾時再搽乳上結塊自消。五七次必愈神效。

乳巖二方。此病先因乳中一粒大如豆漸漸大如雞蛋七八年後方破破則難治宜急服此藥并貼太乙膏生蟹壳置炒鍋內煨焦為末。

早晚每服二錢酒調下。數十日漸消。又間服加味逍遙散及加味歸脾

湯效。○又方大瓜蒌一個半生半炒酒二鍾煎至一鍾食後服外貼太

乙膏。此方兼治乳癰乳癰俱效

乳巖已破二方。竹葉蒂七個燒灰存性研末酒下。○又方貝母核桃楸金銀花

連翹各三錢酒水煎服。外貼俱宜太乙膏。此二方只可偶用總宜多服此味歸脾湯方不促其生

乳縮症。乳頭收縮肉內此肝經受寒氣斂不舒用生黃芪一兩當歸酒洗二錢白芷防風各錢半木通

乾薑各一錢。肉桂去粗皮研五分。水二碗。酒一杯。煎七分服。

乳卸症。乳頭拖下。長一二尺。此肝經風熱發泄也。用小柴胡湯。柴胡四錢。人參黃芩炙甘草生薑

各錢半羌活防風各一錢。主之。外用羌活防風白斂燒烟薰之。仍以草

麻子四十九粒麝香一分同研爛。塗頂心。俟乳收上。急急洗去。此是怪症。女子盛怒者多得之。

加味逍遙散。柴胡錢半。茯苓白朮土炒。當歸酒洗。白芍煨薑各一錢。炙草薄

荷各五分。加丹皮黑山梔各一錢。

加味歸脾湯。人參黃芪白朮土炒。茯苓棗仁炒各二錢。遠志肉當歸酒洗各一錢。

木香炙草各五分。加柴胡山梔各一錢。

陰挺。時醫名之曰瘻。陰中突出一物。如蛇。或如拳。如菌如茄。如雞冠。或血水不斷。或乾枯或痛癢。或頑麻不仁。南人患此。多係濕熱下注。初起宜內服加味逍遙散。

六味地黃丸加減。或間以當歸瀉蒼丸。外用蛇床子五錢。烏梅肉九箇。煎水薰洗。又以豬油調黎蘆末敷之自消。北人患此。多係月經方淨。坐臥濕地。蹲廁便溺。其時血

海空虛。穿濕污穢蟲毒之氣、乘虛內浸、積久而成、治以古方、多不見效、庸醫妄用下
 水消腫攻毒之藥、內服。又以蟾蜍礪砂等藥外敷、而癆醫且操刀而割、遲快一時、必
 致漸積成癆。死而後已傷哉、陳修園於北人初患此證、五苓散料加蜀椒黃柏小茴附
 子沙參川芎之類蜜丸、每服四錢。一日兩服、外以花椒苦參蒼朮槐花煎湯入砒硝薰
 洗、又以飛礬六兩銅綠四錢五味子雄黃各五錢桃仁一兩、共研細末、煉蜜為丸、每重
 四錢雄黃為衣、納入陰中奇效、或久而成癆。經水不利、以金匱溫經湯及腎氣丸主之
 而龜板鱉甲蒺藜之類、隨證出入加減、亦有
 ○又方 藜蘆為末、豬脂調塗一
 愈者、○前後洗藥及末藥。南北俱可通用、
 日一易、努肉自入、

鬼胎。治夢與鬼交用鹿角屑三錢、溫酒調服、鬼精必出、○又方邪物憑擾。
 用絳囊盛丹砂一兩麝香二錢佩於胸前。每以桐油塗其陰則邪永絕。

去私胎方。大麩麵五升。漬酒一斗。煮二三沸去渣分五次
 服。隔宿勿食且日再服其胎如糜而下無所苦。

斷產法。故蠶退紙方、一尺存性、為末、酒
 調服下、終身不受孕、亦可墮胎、

調經逐瘀補虛益母丸。益母草一斤并子 大生地六兩 當歸酒洗三兩 白芍
 可以熬膏

酒炒 川芎一兩 烏側骨去粗壳 澤蘭葉酒洗 香附四兩酒醋山梔水
 三兩 五錢 四兩炒 四兩 童便浸製四次

右將益母膏和羣藥川煉蜜為丸如熱加丹皮黃芩各兩 梔子一兩 去

川芎○如寒加肉桂去粗皮 砂仁一兩 生地換熟地○氣虛加入參白

朮炒各二兩

香附減半。有痰加陳皮法半夏各一兩

熱痰加麥冬去心川貝去心

各一兩半。○經閉不通加延胡索酒炒一兩五錢

桃仁去皮六錢

紅花四錢。詳察

病情餘可類推。

調經種子治婦人不育加味交感丸。

香附去毛水浸一晝夜炒老黃色

兔絲子酒製各半斤

當歸童便浸炒晒

茯神生研各四兩

共研為末。煉蜜丸。梧子大。每早晚各服三錢。

米湯水兩三月即效。○又方經淨之時。即用月月紅根一段約一兩以上

者。劈碎將未生過蛋母雞一隻。去毛與腸。水二大碗。入瓦罐封緊。細木

炭火煮兩個時辰。加鹽五分。取出食雞肉。並飲其湯。得效。如次月再食

一隻。即可受孕。○又烏賊魚肉。久食令人有子。○又方烏賊魚肉。去甲

半斤。蘆茹一兩。共研末。以雀蛋和為丸。梧子大。食前以鮑魚汁送下。三十

丸。或用阿膠三兩。酒化為丸。米湯送下。亦效。○又方八珍湯照原等。加益

母草去下半截三錢煎服。有胸滿悶者。再加香附酒炒八分。水煎服。○脾虛

有滯者。加砂仁八分。或加重等分。蜜丸。梧子大。每服三錢。米湯下效。

調經種子效方 當歸酒洗一錢 吳萸炒七分半 白芍酒炒七分半 川芎一錢 白茯苓

七分半 大熟地錢半 香附醋炒一錢九分 丹皮延胡索酒炒各七分半 陳皮七分半 若過

期而色又淡者。乃血虛有寒也。加乾薑炒黑一錢 官桂熟艾各二錢 若先期色

紫者。加入條芩三錢。各藥必須道地。每味分兩。切勿增減。引用姜三片。水

二碗。煎八九分。空心溫服。存渣再煎。臥時服。自經至之日。服起。一日一

服。藥盡。經止。縱未能孕。經必對期。俟下月經來。再服四劑。必孕無疑矣。

極效○又方當歸童便浸一宿八分 廣陳皮七分 杜仲鹽水拌炒斷絲八分 紅花四分 益母

草一錢二分 淨砂仁八分 甘草三分 烏藥四分 小茴香七分 生姜三片。水二鍾。

煎八分。空心溫服。渣再煎服。忌生冷氣惱菜油各物。經盡之後。不忌。每

經將臨時。先服一劑。既臨接服二三劑。無不受孕者。總之藥材必須道

地。分兩勿得加減方妙。○又方當歸身三兩酒浸 熟地三兩酒蒸 白茯苓

一兩炒 白芍兩 香附三兩先煮醋 白朮一兩壁 元胡七錢米 續斷

黃色 條芩一兩 丹皮七錢 益母草三兩取 川芎七錢 共為細末。地

上攤一宿。去火毒。煉蜜為丸。如梧子大。每服五十丸。滾白水送下。忌生

冷胡椒蒜。一月即驗。

保胎單方。治慣墮胎者。懷孕將近三月。以老母雞煮湯。入紅殼小黃米。煮

粥食之。胎氣自固。○又方以母雞煮烏賊魚半斤。連湯食之。每月一次。

亦能保胎

孕婦乳自出。名曰乳泣。生子多不育。以大劑八珍湯頻補之。其子遂育。

婦女出痘。行經或臨產。產後驗方。

女子出痘適遇行經。須問是經期與否，如是經期，熱隨血解，不治自愈，如非期而經至，則毒熱內擾胞中，致血妄行，用涼血解毒湯。赤

芍紅花桔梗連翹各八分 白芷五分 升麻四分 紫草錢半 燈心一團 加生地

一錢 水煎服。如遇期而經不能止，乃毒熱乘入血室，用四物解毒湯。 生地當歸酒洗各三錢 白芍酒炒二錢 川芎

黑山梔元參各一錢 甘草黃柏酒炒 黃芩酒炒各八分 黃連酒炒五分 水煎加童

便半杯對服。若遇行漿之時，去血過多，氣血虛弱，不能統攝，急用十全大補湯，倘稍緩治，則漿不行而死矣。

孕婦出痘。熱能動胎，若胎有損，氣血亦傷，安能起灌收結乎，用安胎如聖散，隨症加減。 白朮土炒 當歸酒洗各二錢 大腹皮

酒洗 甘草各六分 砂仁連翹炒 白芍炒 黃芩炒各一錢 黑豆酒洗三錢 初發熱

加葛根升麻各八分 痘出如稠蜜加牛蒡子山查各七分。口渴加花粉麥

冬知母。○身熱鼻塞如有外感者。生蘇飲加木香五分 血動。生地四物湯

加黃芩黑芥穗各一錢 黃連酒炒五分 脾虛食少。毒不起發用千金內托散。

人參炙黃芪歸身各一錢半 酒芍川芎各八錢 查肉五分 木香防風白芷厚

朴各三 龍眼肉三 生姜二片。水二鍾。煎七分入好酒釀半杯對服。

孕婦當痘出忽然臨產。候產畢、即服黑神散、當歸六錢 川芎三錢 熟地五錢 青皮醋炙 香

附醋炒 桂心各七錢 蒲黃炒 乾姜各一錢 若無血塊痛急用十全大補湯。

方日達生編 婦人產後又遇出痘。此氣血俱傷之時、恐不能載毒而出。宜以十全大補湯為主、不可妄用寒涼、致傷生發之機也、

婦人產後敗血流注經絡結成腫塊疼痛者宜通經導滯湯 香附赤芍

川芎當歸熟地陳皮紫蘇牡丹皮紅花牛膝枳壳各一錢 獨活甘草節

各五分 水二鍾煎八分入酒一小杯食前服。

烏髮并生髮方。沒石子打碎 白芷沉香研 附子切 防風旱蓮草 丁

香寒陵排草覆盆子訶子蔓荊子生地各六錢 卷柏一兩二錢 茶油二斤。浸

罈中攪勻封緊隔水燉一柱香。取出過七日。每用數匙搽頭上。每日搽

二三次。久之自效。

治粉刺雀斑方。大貝母去心 白附子 防風 白芷 菊花 葉滑石各五錢 共為

末用大肥皂十莢蒸熟去筋膜搗和藥為丸早晚洗面。○又方蜜陀僧白

藥本各一兩、每夜用數錢水調擦面、早起洗之、半月後漸愈、

肝氣痛。宜用逍遙散、若暴怒傷肝。氣逆脹滿。宜用 解恨煎。陳皮製半夏厚朴茯苓各錢半蘇葉芍藥各一錢

膈氣滯加香附藿香各一錢枳殼八分、如左脇痛加柴胡一錢、如右脇痛加鬱金一錢、

完

中國醫藥入門叢書

中醫百部全通六十種

▲眼科入門	▲喉科入門	▲傷科入門	▲外科入門	▲痘科入門	▲幼科入門	▲產科入門	▲女科入門	▲溫病入門	▲傷寒入門	▲金匱入門	▲內經入門	▲湯頭入門	▲藥性入門	▲辨舌入門	▲診脈入門
定價洋一元二角	定價洋一元二角	定價洋一元二角	定價洋一元八角	定價洋一元二角	定價洋一元二角	定價洋一元二角	定價洋一元	定價洋一元四角	定價洋一元二角	定價洋一元二角	定價洋一元五角	定價洋一元	定價洋一元五角	定價洋一元	定價洋一元二角

全部六十冊加錦套定價十二圓正

(版權所有)

編輯者 陳景岐

校閱者 吳嘉寶

出版者 中西醫藥書局

發行所 中西書局總店

上海望平街中市

(不准翻印)

41
752962
79

海上

中西書局發行